

叢書集成三編 第四三冊目錄


文學類



詩別集——清

蟄室詩錄一卷（五周先生集之二）	清	周沐潤撰	冒氏台大	〇四三	〇〇一
徐詩二卷	清	徐夜撰	王漁洋中研所	〇四三	〇一九
離憂集二卷	清	陳瑚輯	峭帆樓台大	〇四三	〇五三
考功集選四卷	清	王士禎撰	王漁洋中研所	〇四三	一〇五
古鉢集選一卷	清	王士禎撰	王漁洋中研所	〇四三	一五五
抱山集選一卷	清	王士禎撰	王漁洋中研所	〇四三	一六五
漁洋山人詩集二十二卷續集十六卷	清	王士禎撰	王漁洋中研所	〇四三	一七九
漁洋山人精華錄十卷	清	王士禎撰	王漁洋中研所	〇四三	四九三
南海集二卷	清	王士禎撰	王漁洋中研所	〇四三	六四三
戴書圖詩一卷	清	王士禎撰	王漁洋中研所	〇四三	六七五
蕭亭詩選六卷	清	張實居撰	王漁洋中研所	〇四三	六九九

塾室詩錄



本書承國立臺灣大學總圖書館借用影印

謹此

致謝

新文豐出版公司
謹啟

琴瑟座錄

光緒丙申四月獨山莫枚

盤室詩錄

祥符 周沐潤 文之

四月初四日總督何桂清自常州斬關而出泊舟常熟初

六日常州陷十三日蘇州陷連日負弩河干感賦庚申

扁舟奪隘下虞陽百萬蒼生委虎狼坐感東南此鉅麗起看天

地一悲涼憂時痛哭丹心老誤國笙謠粉面耶滿地赤眉渾不

管登陣烽火正蒼茫

八月初二日常熟陷奉

旨該縣官紳困守百有餘日實屬忠義可嘉此次因久無援兵

以致失陷深堪憫惻等語蠅蟲微臣艱危憂憤無路自申

盤室詩錄

猗蒙

天語溫霽洞鑒萬里既喪其孤忠又憫其無援感激涕零恭述

恩意二首

四月孤城泪眼枯蒼生板蕩與匡扶薦紳宅第歸孤兔文武衣

冠坐炭塗柱下若逢周太史江東為報管夷吾分明 堯舜

中天日薄瀆西山豈丈夫

兩度登陣捍賊堅存亡成敗本由天三書空效包胥哭休屠乞

並三上書安慶一旅曾無祖逆鞭老死豈關天下計餘生端荷

聖人憐悠悠青史無公論倚樹秋江思悄然

重九日小樓風雨有感

海上巍我此小樓登臨今日一悲秋滿城風雨南冠苦千里雲
山北面愁杭稍有幸民死餓殍付無禁盜封侯枕戈夜聽雞聲
發夢與江潮不盡流

傷心細柳本無營臥壁條侯元自驚五百魔君先亂世一雙團
練豈知兵浪傳樹下龐涓死又報蘆中伍員生我負虞山山負
我昆承湖上問流鶯

野泊風雨圩長盧虎人款至其家小憩旬日

風濤夜半折橋聲柁闌芸編擁百城江上丈人如舊識西門亭
長若爲情酒酒晝夜霖何甚湯湯乾坤月欲明寄語世間名利
客勞身苦思爲蒼生

卷之三

上

萬里滄洲一粟懸農歌處處起桑田幾歷海上虛無宅連歲江
東大有年依舊相忘耕鑿地不知今是亂離天盧生此福能消
受苦焚爐香祝大千

同昭文王大令 慶元 杭海至滬上謁帥四首

中丞利市一朝開木難珊瑚養既胎回鵲部人相詎病歎魚門
客盡奴才枕戈歲月兒童戲巢幕心情婦女猜更有風流團練
使時來讀畫一銜盃

天地茫茫祇一浮江山終不產驕驕世閒怪事無一可海外狂
奴有九州澤國獨當天半壁島夷渾是水諸侯一枝梅在煩紆
策羞煞中朝將相流

夢寐提戈到潤州東南天塹此襟喉一時家國無窮恨萬古興
亡不盡流鐵甕江山真失計金窩醉飽太無謀男兒馬革尋常
事不斬樓旛死不休

鷹揚郎將強寇幾帳下曾無曳落河泥漬江灣猶好在繭絲保
障欲如何千軍謝舞紅裙醉萬室流亡白骨多安上門邊圖不
了時時醉發楚狂詞

王芟初大令齋中菊花感賦

我如羅隱哭秋風灰盡名心不更雄黃菊開時無客賞白頭健
在幾人同江山撥攪千堆賊風月悽惶兩寄公晚節若商韓魏
國新晴珍重夕陽紅

卷之三

三

與常熟太常寺博士趙 宗建 圖復縣城家毀而難未紓感

賦

扶義疎財有大名南州人說趙營平一編風雅生忠孝九土神
姦貌樸誠天下蒼生方苦賊江東子弟浪談兵赤眉未了黃金
散突兀胸中五嶽生

猿鶴曾煩掃徑迎小園松菊早寒盟蓍騰十日平原酒寂寞千
屯充國兵莫使世情輕趙括誰將軍事重麗萌君看破鼉詩成
後漫說麒麟閣上名

臘月二十五夜殘月

種花滿眼皆桃李落葉打頭無把茅二十五年成一夢坐看殘

月上梅梢

卻海門丞李問樵司馬煥文饋歲

故人頗問不休官鑲碧裁紅饋歲盤已負天心戶馬革敢容地
誼累豬肝木瓜情重猶存衛黃菊香高實姚韓吾亦不吟茅屋
破五更鴻語滿江寒

除夕憶亡閨金氏虞山

春鐙瘦影久無傳畫閣爐烟共唱酬四序常涵春氣味一編親
近古風流正思緒秀生周顓詎料朝雲化惠州今夜擁衾寒太
甚空山松桂獨淹留

歲除

諸室詩錄

四

紅燭光陰落海蠻日須光恠嘆江山商量兒女長生話成就衰
翁到死閒吾輩憂心年命外一家樂事亂離閒旁人莫厭綈袍
舊兩度登陣戰血殷

歲朝辛酉

受辛自是稱薑曰在西何須乞酒漿累詔推誠憂父老萬

方送喜愛君王東風冠盜烟塵滅北斗朝廷日月光吾道

未甘常寂漠故應冰雪發春陽

老去風光指一彈全家耕讀綠蘿端公卿有黨排种李帷幄無

謀阻范韓夢裏艸飛平賊檄醉中花岸進賢冠孤臣毫髮蒙天

賜獨樹荒江耐歲寒

焚香

敢學清流說挂冠卑官進退兩盤桓小屋割肉東方餓舊雨分
袍范叔寒弄筆小窗鴻滿紙焚香默坐日生闌江南長盡捎雲
竹惱亂春風付揭竿

野行見籬落桃花大開小憩田舍有懷

耕鑿人家樂事偏鳴壺蠻榼滿春山花開一笑猶能否世亂相
逢也偶然能使普天無賄賂自然寰海不烽煙主人留客空饒
舌爲報桃源在眼前

舟中作示閨人

一葉風狂浪打天麻姑應見海爲田柁樓小醉吾高枕畧似黃

諸室詩錄

五

梁五十年

故人饋西夷蒲萄酒

蘭陵太守落蠻鄉孤負金尊琥珀光不要輕嘗桐馬乳銀鑄

掌蜜花香

一從憔悴臥江皋田父茅柴飲也豪非是曲江嫌苦勁也來海

上呷蒲桃

百瓶海物託珍羞晉暮誰言不可求只是櫻桃秋夢冷看人十

斛換涼州

小臣政實費寶嘲不分宮壺賜酒醪化日閉門風雨裏一尊安

隱海棠巢

病

百鳥喚春同愁中更病中坐聽桐葉雨睡過楝花風天地餘生
在吾暫直道窮所求惟一死兒女亦替鴻

十日九臥疾滴簷春雨多苔痕上窗戶花片滿山河老境窮愁
盡蒼生痛哭何來朝倘病起尊酒且狂歌

述懷示湯鶴渚廉訪

雲松

三吳時事無人疏一紙家書費我談 聖主推心問宣室賢

臣造膝憶江南塵中擾擾飛張角柱下昏昏睡李聃人道相公
容海寓不曾恕得一樽庵

此老顛狂判牘曾心清要比玉壺冰提戈殺賊人心固躍馬登

書室詩錄

六

陣吾力能郡將尙疑周茂叔汝曹不識沈中丞銀臺驛騎終爲
舉萬點哀鴻臨夜燈

京都人來述庚申年夷事

如此江山許乞和幾人慷慨魯陽戈頻煩將相防秋策獨聽

君王出塞歌東海風波新鬼大西山雲樹故人多諸君莫問

西胡事直到昆明柳不波

啼鳥和歐陽文忠

我生謫墮謗叢厭聽百舌鳴春風楊庵老子春睡熟朝曦出

海山臆融草青苔綠在陋室悅耳豈有絲與桐空江候至百物

暖孤枕獨愛綿蠻工方言土音頗嘈雜吳語軟滑嬌胡隴千迴

萬轉難比擬姬姁亦與渠儂同天深葉暗不見路嚶鳴祇在林

陰中林陰惜惜百花底流鶯一唱傾千鍾自從爲縣廿五載頗

遭眾忌排孤忠少年誤入歌吹海意氣橫出爭豪雄清樽美酒

壓紅燭一醉萬里追春鴻近來衰朽喜寂寞時著苦句驚天公

杏花催紅柳催綠社鼓百面椎靈露隔山看火喚蠶婦脫卻布

袴呼耕翁男耕女織四海足鳥亦歌舞 堯年豐一禽之細

詎解事往往仰屋煩司農今年臥病東海上夢寐追想飄秋蓬

河山百戰變陵谷何況小縣絃歌空二十年閒幾人在榮華憂

患相磨磨古來禽言誤公治神愁鬼哭蟠硬骨彼哉杜宇亦忠

告臣今逃此將焉從故山萬重陷豺虎亦有松桂埋蒿藿倒行

書室詩錄

七

逆施無旅舍天寒日暮今途窮孟郊韓愈不在世天地塞默號

秋蟲關門擁衾逃世變萬感不可干其孽方今 聖人開四

聰雲門一奏天下醺朝陽鳴鳳爲世出鶴鷄百怪音流東才非

用世合歸去桑扈閒嘯叫歲功雪消門外千山綠花放江頭二

月紅細數平生憂樂事而今零落隨殘虹莫爲治髒醉社酒秋

堂燈火又霜鐘

叔昀書來問近事

近日東南事書來問大哥頗聞諸將帥無計復山河道路流言

滿皇天用意何第今爲侍從朝論孰英多

楊藝芳兄弟來談至夜分始罷

藝芳名宗濂其尊人菊翁山東知縣與予季星譽甲

辰鄉試同年庚申年守常然藝芳兄
弟實有功力不能薦擢聊紀以詩

君家昆季古人風聯袂來尋失馬公厚祿故人俱斷絕嚶鳴小
友亦英雄江山滿眼餘吾子天地多情負此翁吾合嚼蕊僚底
老請纓事業看終童

昨年守常熟曾上書曾帥幕府求援蘇常近有人自皖北
來能朗誦予書中語並勸續函請兵予維矢地孤臣懷
慨言事不能取重大府恐蹈越俎之舉占此為謝

元戎日夜歎才難幕府蒐羅氣象寬憂國孤忠百僚底上書痛
哭萬人看春風馬耳言何補夜雪鴻羣淚未乾官職聲名渾不

數室詩錄

八

稱祇宜忍事臥江干

故人左青峙太守歿于洞庭東山二子樞楨暫來滬上樞
言將扶匱由大江還湘鄉二子斐然皆俊才樞尤當世雄
偉丈夫論事慷慨有法度深喜故人有後無西華葛屨
之怨作此詩振拔其志氣使為翁補缺憾云爾

兩翁交道天下獨鶴鶴在原鷺語木小詩細讀不去口大被同
眠或加足翁死不見海為桑我老亦虞風折竹昔年與翁官松
陵皮陸唱和豪寶朋歲豐國壽燈事作天地不夜虹亭春人世
熙皞亦天上豈有細紆巨猾生堯民是時二子正總角天馬試
步驚伯樂荀龍薛鳳不足言落筆萬言搖五嶽翁負未有金滿

數室詩錄

九

簞買書納櫪苦不足忍飢無過元次山蹈海要覓魯仲連循聲
惠政滿九縣用意細人民痼瘼乳臭小兒論臧否銀黃蟻穴飄
風湍翁今遊地無虎蛇洞庭縹緲孤雲遮二十四考翁無夢三
萬六千浮釣艤包山地道通衡嶽千里一日能還家 朝廷有
詔迫翁起翁逝九原不返矣作養二子成俊豪能與江山發光
彩楚人自謂兩於菟氣吞三吳萬桃李伯也制行若峻松深山
大壑蟠卧龍仲也儒生不寒乞廟堂塗澤生春風翁今憔悴死
僚底賴子吐氣成長虹但令不語當軒立哭兀已是千夫雄馬
周徒步見天子荷爽布衣躋三公君不見江漢英靈滿天下左
史三閭古作者千年堯典真古文一卷周南始大雅又不見海
內將帥半楚才二十八宿登雲臺歛越吟反娛賊郢歌萬里
浮雲開大抵人生有川有不用子毋風騷迫屈宋亦勿學賈生
上書但悲痛翁雖不遇今老死要子朝陽作鳴鳳一舉能令九
鼎重斷國謀軍須百中無為區區八九吞雲夢我本數奇老將
能高歌亦勿弔胥江亦勿哀汨羅古今多少喚奈何但須一醉
全消磨又為滿眼蒼生涕淚多伯乎伯乎吾與子賦身之言治
世之策子固守四座歡欣觀酒醖夜闌焚香傾數斗翁是湘南
左伯桃吾亦江東周細柳二子飛鸞來天涯老夫寶刀逐牛後
團練諸君連日為紅裙之醺以暖鋒鏑感賦
天高秋冷月生暈萬里江湖破寒簷銀山雪屋不要看翠裏芳

綺買微哂前輩風流坐銷歇輕薄吳兒坐牽引獨怪清修龐居士散花頗辱天女問國子先生海山孟儒林丈人春抹鬢轅門聲鼓不了賊催勦滿城小桃杏桃笑口幾曾開罵燕驚魂都莫定北風卷野木怒號調管未終蒼翠隕筵前月瘦兩蛾眉江上霜飛萬鵲瞰丹陽門邊五十里島國樓臺壓名郡諸般巧作嬉春窟一路哭聲渾不聽老夫文章不徒作規切時事愛朝廷飢寒未死痛至骨卻把笙歌惱忠盡安得浮雲一掃空滿眼江山眞綠淨

感懷

後死吾多學餘生世寡恩安危何所繫成敗與誰論道直難爲

懷室詩錄

十

用心孤不易言躬耕東海上莫復問桃源

天地刀兵劫東南服食妖薦紳鴟毒誤風俗雉媒嬌廉恥四維喪奇淫百貨饒貞元人事復痛悶到漁樵

吳門變亂久禍不始黃巾國病民兼困紳豪更不循法擢三貴角恩拊四窮呻吟臣舉由茲獲條言在戊申

省會倉皇失人心喪亂餘孤城唐許遠痛哭楚包胥淚盡琅邪稻心傷尙水魚東南財賦地萬古一長吁

同朱閨人還海門

柁樓燈火話歸田清極胷中別有天日暮倒行吾不可急流勇退古云然春夢夢冷桑三宿學究功深海百川擬向滄洲卜鄰

比高歌瓠葉教諸賢

橫流滿地露車難山嶽蛟巢一笑看一騎不來眞樂土雙鱸能得卽高官天心蘊藉黃花老人語和豐綠野寬夜起茅堂三歎息荒江風雨怨羅寒

金香浦太守

以誠之官鎮江相遇於通州道中藉草而坐

無所不言臨行賦二詩爲別

白狼峯下且班荆解后功名天地驚青眼看吾成老醜黑頭喜子到公卿臨江閣上一樽酒射虎亭邊萬騎兵談笑從容消積壘我來高枕聽江聲

使君可以覓封侯天下江山第一州山勢北來京口險江流東

懷室詩錄

十一

下海門秋人生美酒終須醉世上游魂一夕休禍亂旣夷須撫字朝廷努力用英流

舟泊吳淞口遇警夜話

老去鴻毛一擲慳柁樓晚飯說時艱東南地盡天浮水西北風高浪卷山萬里礮礮來島國一朝禍祿守江關諸公珍重垂堂戒潮打孤城只等閒

節鉞巍巍鎮上台一時麗薛盡庸才吾曹寂寞扁舟在天地淩涼同谷哀夾岸萬人風雪走寒江道賊兵來吳淞父老休悲哭人事貞元理可推

咸豐十一年七月十七日

皇帝陟方於瀛陽行在所詔下江南臣民痛哭沐潤起自謫籍

累荷

恩慈辜戾餘生哀難自已恭記二首

萬死孤臣叫九關乾坤無地限華鬢秋高八月又九月塞上千

山更萬山長使日星欽天監奏八月初一日論燕翼獨教

風雪犯五星聯珠日月合璧龍顏十年賊虜憂君父淚盡嵩呼駕不

還

生還又荷聖人慈雪窖龍庭死不辭四海潮飢皆已

責九重宵旰幾人知烏頭易白君恩重猿臂難封臣

數奇又起一官爲郡守高歌堯舜日中時

讀室詩錄

三

撥灰排悶

撥灰書悶字問君來不來來是春生樹不來月滿苔江山容莽

伏風雨誤花開異日吾同穴松濤萬壑哀

近聞

近聞下詔索驂驕蹇眇如雲滿九州北郭妻先規作相東臯子

早薄封侯嬌施眉目花猶妬龍比心肝鏡不求幾輩巖搜冰雪

底春風喬木誤驚流

聞紹興之變

兵燹餘生也枉然蓋棺何必待他年百年未表瀟岡地萬里

歸馬邑天鴻雁勞人徒自苦虎狼鬼魅或相憐死爲靈武麻鞋

更歸向空山拜杜鵑

閒居

主人懷抱苦和氣蒸鄉閭東家牛產犢西家鳥哺雛江村熟還

往親愛若友于炊烟出破屋鳥語喧廢墟兒童拾墮橡翁媪翻

凍蔬歲晚陪新壓江寒甯可漁十稔九不完其樂頗有餘萬里

天欲雪炙背話唐虞比鄰二三子斗酒能醉無衡門有幽處簞

瓢與世殊小妻炊無米浩譟響屋廬目窮四海外心游皇古初

坐論天下事吾道誰與扶治世大官少亂世小吏孤小吏瘦惟

骨大官肥如瓠萬古一邱貉未用相賢愚及其身未卒天地驚

相需乃令守牛下秀句時俄呼豈弟神所勞陋室生白虛晨起

讀室詩錄

三

課田功夜還讀我書眼前多少事誰道是閒居

夜坐

曉霜破窗紙夜風號屋茅萬物各棲託而吾獨無巢浪跡東海

上狂歌混漁樵寒菜不盈把濕烟塞凍庖衰老不自惜猶折五

斗腰天寒日云暮僕馬亦已勞燈火息柴門初月升林梢病柳

未蘇綠凍梅尚含苞沿浙東雁哀踟江潮坐念一世誰

非吾同胞况此桑與梓孤懷難可拋安得履萬閒庇汝孤寒曹

汝餓吾無粟汝冷吾無袍心傷不能說看汝埋蓬蒿老夫官苦

寒時亦虛簞飄青州與河內所值皆賢豪看看斗柄轉念念斧

柯操坐令溥天下醉飽頌軒堯

紀事

宵旰勤民瘼艱危啟 聖衷 九重憂懼獨四海亂離同

割地蠻夷狡滔天寇盜充轉輸空郡縣推轂幾王公天地刀兵

內蒼生水火中 乾乾長在抱蹙蹙之非躬 帝有回天

力臣無報國忠名藩爭燭竈言路罷鳴驄上相委蛇巧諸曹慕

羶叢賢良紆漢策構桃核唐聰溫樹頻私語京華必內訌徒然

禽一虜未得論羣蒙細柳猶冰戲長楊突火攻 六飛親御

駿萬乘孰當熊虎氣風旋黑 龍顏日駐紅上書三伏闕扈

驛九成宮警夜頻虛枕防秋忽墜弓地真迷 七聖天不祥

重瞳 沖聖風雷益春王草木豐因承 先帝志一

整筆詩錄

洗萬方恫負展流三叔賓門黜四凶 朝廷正交泰海宇盡

呼嵩 太后臨朝肅羣賢擢野通經綸赤松子輔弼紫芝翁

遂有中興象甯無外攘功青宮纔日麗黃屋正春融豺虎宜投

北鷗鷗必徙東 聖功觀 養正羣策贊 平戎倚馬

才非傑猶龍技不工卅年甘宦拙百事謝承襲欲識天心轉須

胡世運隆臣嘗艱險備吾道未應窮

懷七斤侄越中

越酒青衫傲蠻花白髮枯河山先壘在天地小臣孤萬里魂歸

鶴千年頭白鳥他時桑海錄淚血著潛夫

子季官京國家人帶越東頻年懷剡雪一夕怨樵風老子宜兵

死兒曹尙賊中無緣一瘞首兩地夢魂同

紀事詩意有未盡再賦七律四首

小忠獻曝昧垂堂風雪侵尋 玉步涼梁國功名鳴嚇我楚

人忠愛厲憐王羣才多逐狂瀾到吾道終爲砥柱當但祝風流

勤吐握天驕泥首拜當陽

銳擊其咬亦 帝臣三年無改是終身 六齡日月乾威

大 九廟風雷震斷神 兩母孟遷安匕鬯 沖人姬

抱正絲綸 先皇尤愛諍臣子要使江山再造新

清正忠良 兩廟褒陳蕃黃霸盡名流百年晚節虧青汗四

海虛名斬白頭威福豈容狐兔假庠汗未見鳳膺遊翟公賓客

整筆詩錄

如雲散誰向田園問故侯

漢號風雷動普天筦蠡窺測豈能賢朝紆誰召赤糜寇黨既甯

教白馬延魯衛腹心彌貴重蘇張口舌漫狂顛早知月日無公

道論古知今一概然

新樂府三首并序

大帥擁兵滬上一旅不發萬餉畢臻堂皇之軍畏人千里

反側之戎在吾卧榻東南蒼生多方以驅之死卑官末吏

噤不言事幽憤孤愁僞焉欲絕偶效白傅新樂府之體聊

發杜陵左拾遺之忠文主諫諫意在忠厚知我罪我所不

敢辭

書書局

風流狎客餐無粥搖尾宏開書畫局江山人物更花鳥席上之
珍羅鼠璞卽以書畫論中丞亦無鑒古目若將此目看天下豈
有奇士來東閣何況東南寇未平刀兵滿地流民哭近者杭州
又失陷金奉川南相接續上海孤城不自保金賈西夷作心腹
小臣欲繪監門圖馬遞銀臺進 乙讀國家界汝大官職雅歌
投壺燒紅燭風流淮海對銀藤爛漫阿瑛醉金粟乃公花下有
公事強寇在垣戒勿憤昨日下午詔搜淪逸盡取食殘塞薦牘赤
眉百萬亦易辦丹悃孤忠坐摧辱江南已失肅千巖滬瀆眞成
馬一角公雖孝廉丁不識目亦不能三箭搖五嶽虹玉滄江夜

書畫詩錄

六

燭天如何不照逃亡屋文人輕薄比傷匪國事艱難鼎覆餗君
不見屈原呵壁欲問天勸忠教孝乃畫源朝廷清明太陽出不
比春秋亂賊汚江山公乎無讀畫且讀采薇六月三百篇

內應局

大風義義折戎纛小兒號呼內應局機宜只在指顧間轉眼歲
華已改綠古云謀事貴深密此局堂堂堪痛哭蘇州守令久竄
逃永昌一隅鳥失宿我時困守虞陽城自領一團歸部曲糧空
矢絕援不至吾失孤城君轉轂輔天開國汚僞命萬死百身莫
收贖前守吳公後守楊朋比永昌成鼎足造作流言起三虎縱
惡中丞薦一鶚昨夜承恩賊窟同今朝拜爵朝廷獨只道朝廷

收指臂誰知賊窟羅心腹十萬黃金付阿誰公然紅帽崩頭角
蜻蜓小艇如雨點滿地漁蠻啄民肉中丞談笑寬束帶太守分
金潤垂橐陰陽首鼠觀順逆狼狽迴翔伺既福國家責詰汝何
語臣九頓首寬反覆若教此輩竟無恙豈非青天白日靈幽谷
我今倚樹悄不言冷眼江天風浪惡君不見凝碧池頭語可憐
又不見玉山佳處淚如泉顧瑛已死王維朽莫待孤負榴花五
月天

抽釐局

一絲半粟無隱伏十步九躡抽釐局非維隱伏力不能誣以虧
藏心更惡小局一縣大局一郡河東巍巍八州督天何生此爲

書畫詩錄

七

民毒壘斷乾坤入囊橐國家利柄不下移一朝風雷假威福汚
官點吏窟其閒萬孔千條恣吞剝江頭一婦不問名頭枕死豬
晝夜哭一豬要稅兩豬錢賣兒償豬苦不足吾聞此語一概然
婦云死於苛政非吾獨新鬼紛紛故鬼續東南刺此尺寸土奈
何驅民入溝壑近時政令更新絕樂籍轉輸歸稅惟期門伏飛
愛髮膚邯鄲章臺汚血肉江南花柳終輕薄安得緹縈木蘭十
萬輩天生奇女扶山嶽朝廷養士無一人此舉真令外夷辱頻
年籌餉不辦賊公等胡爲此握齷橫將怨府歸朝廷巧借軍儲
立眉目人言滙上諸大吏一卷計然經爛熟蛟龍垂涎不敢吞
百萬黃金壓艫艫君不見盜賊如蟻玷江山金玉滿堂歌舞酣

嗜好畧與公等似桑宏羊烹天下歡自然赤眉銅馬變化爲飛烟

大雪

萬木落盡蒼天楊狂風撼屋生怒潮寒威如山壓天地束縛老子成枯匏小樓橫絕東海上軒櫺而面崢嶸霜雪連朝寂寞掩關坐要與六合同風標兒童騎竹走相矍敗戶忽報銀山高隔江煙嵐冷欲滴一夜已失連峯尻夢登吳山一流覽千軍萬馬燦白袍紅燈作花照六出憑几草檄千枚皁是時掀髯興豪絕頗似嵩嶽中立旁無曹二十年來此罕見乾坤一氣旋珠杓惜不更呼月光天子照咫尺萬里翻秋濤平生愛雪更愛月冷氣入

寶室詩錄

大

骨森吳刀那顧俗士相嘗齧偏師膝六不足道筆險怒欲挑面崎詩成更擬作圖畫粉本獨喜黃鶴樵千重百重柳飄絮十里五里煤含苞層冰積霰竄壑底冷翠橫出孤松喬寶花世界遞變幻鐫刻煙景如牛毛江村人家冷閉戶社鼓時聽春雷驕茅柴春酒三白熟笑語洗盞豐寒宵口圍如此真可樂肯令歲刀從空拋近來吏治苦搜括新絲舊縠悲號咷龍門載酒莫追從免苑作賦空譏嘲蒼生滿地凍餓死惠愛要復春陵謠老子弄筆映窗紙詠歌桑戶嬉軒堯墨花融融蹴蹠凍詩草兀兀寒鴉號天空歲晏鐘磬啞海日騰上青林梢

硯凍

硯沼水生骨蒼生知饑寒一毫呵凍易萬物得春難雪壓逃亡屋風吹大將壇虛名不可盜何以雪儒冠

雪霽

袖手看時事拂衣歸野村英雄多失路四海更何門歲晚成幽獨天空人夢魂餓寒鍊英傑烽火動乾坤臘雪蒼生死朝陽萬物恩江風蘇柳意海月凍梅痕老去彩毫健春來翠袖溫故人應起用新鬼莫煩冤豺虎青山靜雞豚綠野喧孤花看有怨大樹倚無言吾道常三黜斯文自一尊憂時先辦句論古獨開樽涕洟餘妻妾艱難長子孫愁心翻渤澥喜氣破崑崙百病皆蘇息孤懷坐討論每聞寬大詔風雨萬方奔

寶室詩錄

五

王郎

王郎天壤可憐生不盡陽關墮淚聲公論久傳千駟貴私恩誰報一驢鳴大夫面有在陳色從者心傷嫁衛情若使汎舟秦晉繼蒼生未必死於兵

睡起

睡起一嗽紅射窗夢中花柳渡春江樽前正憶人萬里樹底忽喧鳥一雙四海科名歸任子卅年宰相用吳腔老夫腹庫全無用何口蠻煙靖海邦

感事

堯舜中天震九鳥苗民逆命亦訶評浪傳霍嶽三天子私畧黃

松五大夫陳勝弄王非俊物隗囂竊帝亦狂奴楚魏莫造乾元
歷留意農桑是美圖

自歎

自歎孤忠知我天風光酬奮淚如泉肝腸寸斷鵬求旦汗血百
身馬死邊公等才華騰上美老夫體骨積勞堅縱教麟閣真圖
就鮐背梨顏不直錢

海東紅日照蹉跎牛側淒涼發浩歌魯圖射夫三舉解韓原戰
士一麾戈冰霜應孤柯在天地崢嶸晚霽多我與維摩同一
病蒼生涕淚滿山河

夜坐寒甚復有雪意

數室詩錄

三

無雪歲不稔雪多民又寒天心費醞釀人事極艱難夢深埋
翠江梅淺破丹萬方應送喜辛苦注危竿

歲除

一度年華祇一宵圍爐兒女說無慘生無機事常抱顰老厭浮
名不挂瓢素食自慚閒守令狂譟欲混老漁樵江寒夜永難成
夢坐擁黃紬負早朝

滄桑閱盡澹無營一笑巡簪琢句成老直白雞能不死強留汗
馬此餘生松橫大壑天全獨梅老荒江世不驚兀坐小樓風雪
夜挑燈默數鴈鴻聲

天留瑞雪映柴扉寂漠書窗燈火微海內蒼生俱凍餓江東公

命獨輕肥近聞 詔誥收人望已報禎祥應 帝祈吾本
不才憔悴死喜聽鐃鼓報春旂

渡江寒秀望緹羣皓雪光華吐翠霧獨夜自紆平蔡略隔年先
策探梅動生涯漂泊鮑孤鴈心事慚惶陳白雲安得提戈掃豺
虎故園松桂護寒墳

歲朝 壬戌

冲齡端拱廟堂新鳳律初調玉燭勻戎馬江山餘寇壘光豐艸
木改 皇春前游城郭雞聲惡後起磨幘虎賁眞滿眼飛騰
皆俊及衰庸聊且卧江濱

數室詩錄

三

補社民憂中樞權要人才厄郡縣流亡吾道羞惟有 君恩

山海大涓埃未報莫歸休

太乙然藜照典墳諸君才調孰超羣賢臣若問吳牛喘 聖

主何憂桀犬猶世運貞元非右武天心剝復爲斯文眞儒事業

原難測一世曾無細柳軍

隱几焚香願歲豐懷芹十論有孤忠病如漸學呼禰語老守徐
商佩犢功喜氣埋藏深雪底孤雲飄蕩大風中小梅窗紙殊清
絕憔悴天涯五十翁

寂寞

寂寞守寒餓春風送吉祥江山鉏菜老風雪詠花香但恥富貴

獨不憂貧賤長日高簷鳥喚吾且夢羲皇

坤初能謹慎履上得詳安孟芥堂切大瓶花天下寒朝廷憂劇
寇吾道困卑官路有流亾骨諸公莫素餐

卽事

百萬蒼生兵燹死天心未得窮其底老夫寂寞守蓬門日午花
陰眠不起連年閒散百事慵坐覽四海誰英雄江山塞默疑有
待天地日夜號悲風一燈夢覺不知所孤枕朦朧聽春雨岸
風濤不可言長年已束橫江櫓茅堂鵲噪春正來草牘夜抗天
門鬼故人薦疏不輕發日月軒豁雷霆開我老形骸不自寵扶
犁強欲耕邯鄲憐才痛哭俗眼驚論事孤忠天色動乾坤變化

留室詩錄

三

炊黍間安得盜賊飛秋烟地上去天八萬里孤臣橫絕一千年

送楊同壽同文兩秀才入都鄉試

楊家兒子璧一雙皎若夜光貢玉堂乃祖爲郡治清白孫枝秀
拔流餘慶壽也筆力鼎可扛文也雛鳳初引吭當仁不讓疑敵
國伯仲各樹精進幢昔年肉食摩飽腹金盤磊砢堆檳榔而今
褊褐飯不足夜夢踏破唐園羊皇天冰雪有深意鍛鍊松柏成
棟梁高歌金石響蓬壺蚤晚射策開天閭兒家科第髡摘領萬
里六翮追風翔承明著作汝舊物有叔豹值南書房老夫期
子更有進豈在潤色臺閣能文章朝廷方重翰苑郎孔孟大道
寒於霜帖括之醜甚秦火六經灰死寒無芒老夫策瓢在陋巷

二子捧日 堯舜旁豈有美如陳平長貧賤一世富貴徒枇糠

此日城東雪中迹百年窮達無相忘後生好學乃可畏追取萬
古發聖藏飢寒兵火皆玉汝卓然道德生輝光吁嗟二子誠國
柱無所可用乃有樛櫟僵卧空山陽

漫興

朝餐小妻眉嫵夜聽稚子背誦鵲鵲未答曹刺侏儒徒飽漢俸
梅花天地消息鴻雁江山迎送淵明乞食何爲未若閉門忍凍
湘鄉相公檄赴安慶呈詩六首并序

今湘鄉相公師奉 命勦粵寇握江蘇安徽江西浙江四
省帥符而駐節於安慶郡城 沐潤 竊維三國兵爭舒廢不

留室詩錄

三

治因南治皖東晉爲晉熙郡懷甯縣唐以懷甯爲舒州治
宋甯宗時爲安慶府治元明 本朝皆因之其地面山脅
江昔人置省有災意焉近臣不察建議移省廬州 沐嘗有
論曰廬州博大夷塏四戰之衝人事必爭之地以攻則克
安慶隘而峻九塞之固天險不可升之地以守則固師拔
安慶奏明仍爲省會暫駐行部統籌全局實此志也方師
之起兵祁門也北逼荊豫捻踪四出南連江浙賊巢千里
捻之於賊始本馬牛其風終乃桀附相結來若風雨動輒
數十萬敢戰之賊無過二三萬其誓不反顧者祇數百人
此數百人者利此數十萬人歸之以自擁蔽好言 朝

廷必盡殺無赦以啗獨其眾眾迫於死亦非果願爲彼
用師審機宜定方略提一旅之師起烽鎬寇艾之中又能
驅百戰之將跳蕩奮激以赴功名之會破其閒謀散其脅
從塞其徑道焚其巢壘掃方張之寇而建不世之勛肅清
全皖長驅金陵蓋察乎賊之所以制勝於我者我因而制
之故能轉敗爲功然其要不外乎治江防集水師而已安
慶咽喉江楚屏扞金陵當日操江駐此今屬安徽撫院古
云長江天塹以限南北蓋綜形勢言之宋趙善湘知鎮江
府製多槳船又造白鶴赤馬兩巨艦統之他若韓世忠於
黃天蕩虞允文於采石磯 本朝梁化鳳於金陵得力多

讀史詩錄

古

在水師然皆囿於偏隅未及全江承平日久不知習流爲
何事師思之爛熟特以未有明效急切不改自陳在籍數
年練水軍集戰艦五覆五反乃告舟備具於 天子舳
艫千里旌旗蔽空屹然江防一巨鎮於以通饋饌而清寇
盜遂使濱江郡縣皆成堅壁金陵窟巢計日可拔此其設
機進退常在無形之際帷幄晏然彈碁賦詩不見運籌決
勝之迹一旦虎嘯龍攫收功旦夕然後知治亂之在天下
非詭術小數所能終定者握其全算則百物端緒張弛在
我曩者壬子冬賊陷武昌料民責船揚颿破浪直達金陵
而我軍追躡其尾猶夸父逐渴而走假令江防水師一如

今日之雄壯而賊不得逞志於圖南則江淞廿餘郡豈不
安堵無雞犬之驚哉乃師益屏居樹後抑畏不言扶天浴
日功冠侯王茹蘖飲父身儕韋布今又默籌內河水師意
在入具區規蘇湖與金陵曾軍甯國鮑軍滬濱李軍分道
攻取師之精思泉運霆斷乃心往往如是是又左右所不
及窺也至於楚師營制之善軍心之奮三尺童稚皆能言
之昔岳忠武所部率湖湘閒劇寇揚欽全琮皆一時驍將
故兵最强况師簡拔百夫之特皆廉恥之將三軍之鋒盡
節制之師乎 沐嘗謂軍中無一無用人其帥必不可犯師
以郭汾陽之闊達而兼李光弼之精密所願文武諸僚佐

讀史詩錄

古

能如郝廷玉白元亮李嗣業諸人於郭李雖貴至侯王終
身折節盡忠執神將禮其濟艱難再造 王業彼黑山白
波之眾雖千萬乎不足平矣 沐季弟星譽以翰林出師門
下 亦當在弟子之列小詩六首何贊蟠際維是風正道
大原於忠孝芹曝心孤通乎神明但祝吾師黜元化旗古
今造中興於萬斯 沐亦辱在蒲蘆得以玃埒末光縱容豐
烈抑何幸也

龍門岌業此升堂吐握風流玉尺量將帥浪言生隴代英靈從
古毓衡湘十季南嶽遲煨芋萬里東瀛更種桑奚止青州民十
萬袖中原有活人方